



Michael Mexelburg.



M. IX. 78.



DISPUTATIO MEDICA  
DE  
**ICTERO**


Quam  
Auxiliante Deo T. O. M.  
**PRO LOCO**

PROFESSIONIS EXTRAORDINARIÆ  
IN AMPLISSIMA FACULTATE MEDICA  
Illustris ac Celeberrimæ Academiæ REGIOMONTANÆ  
Publico Eruditorum examini sistit.

**GEORGIUS WOSEGINIUS D.**

Respondente  
**NICOLAO PARSCHITZIO,**  
Solnâ Pannon:

Ad Diem 6. Maij, Anno 1652. Junij.  
In Auditorio Majori  
Horis ante & post Meridiem.



REGIOMONTI,  
TTPIS JOHANNIS REUSNERI.



Illustribus Magnificis ac Generosisimis

DOMINIS

SERENISSIMI ELECTORIS BRANDENBURGICI

SUPREMIS CONSILIARIIS

BORUSSIE DUCATUM REGENTIBUS.

DN. JOHANNI EBERHARDO à TETTAU,  
Supremo Provinciæ Magistro.

DN. BERNHARDO à KONIGSECK,  
Supremo Burggravio.

DN. CHRISTOPHORO à TROSCHKE,  
CANCELLARIO Eminentissimo.

DN. AHASVERO à BRANDT,  
Supremo Mareschallo.

*Dominis Mecenatibus ac Promotoribus meis  
Gratiosissimis*

Disputationem hanc

Submissionis Gratitude ac Cultus ergo  
eâ qua par est humilitate

Offero

G. Woseginius D.



I. N. D. N. I. C.

**I**κτερος mutatus est nativus corporis color in χλωρόν: sive Quid  
Icterus.  
 ab ave cognomine, (Latini Galbulam, vel Galgulum vo-  
 cant,) morbi vocabulo cum Plinio deducto (*l. 30. c. 11. nat.  
 Hist.*) sive cum Aetio (*vet. lib. 3. f. 2. c. 17.*) ἀπὸ τοῦ ἰκτῆρος à vi-  
 verrā, quod ictericorum oculi tanquam viverræ croceo infe-  
 cti colore cernantur. Arcuatus (sive cum veteri Græc. κόπρη  
 Arquatus, (ad similitudinem cœlestis arcus dicitur; Regius  
 autem morbus quod vino bono & regalibus cibis citius uti  
 ajunt curetur. *Isid. Etymol.* Græcis recentioribus χροσασμός  
 vocatur, eadem ratione qua Latinis Aurugo, (vulgo aurigo,  
 corruptè uti puto.) Et qui eo laborant Auruginosi, *Gloss.*  
*Asidori*) Arcuati, felle suffusi, & Varroni Lutei.

2. Pars, quæ hoc symptomate affligitur, sive subjectum ejus Subje-  
ctum.  
 est universi corporis habitus, in quem si bilis flavæ vitellinæ  
 croceæ aut nigræ ex viridi mistæ (quæ omnia comprehen-  
 dit τὸ χλωρόν) ex viscere aliquo refluxio fiat, illam affectionem  
 Icterus nominari, textus est vetustissimi *Aretæi. l. 1. de sign.  
 diuturn. Morb. (vid. Oecon. Foel.)* Utut enim sola corpo-  
 ris superficies sive cutis extrinsecus colorata appareat, tamen  
 non minus putandum est, humorem morbificum in subja-  
 centem quoq; corporis habitum se insinuare, Imo com-  
 pertum est experientiâ, ipsum quandoq; in venis sanguinem  
 totum flavescere, cujus rei insigne exempl. est ap *Schenck.*  
*l. 3. Obs. 2. de Ictero.*

3. Et vero cum symptoma morbum tanquam umbra Causæ  
 corpus sequatur, Ictero consimiliter causam præbere visce-  
 ris alicujus morbum non incredibile est. Igitur prima ac  
 potissima in vesiculam fellis cadit accusatio, quippe quæ  
 destinatum à naturâ est bilis hujus divagantis receptaculum.  
 Jecori deinde, lienive, aut soli, aut una utriq; mali hujus de-  
 bentur natales. Quin salvis quoq; visceribus hisce, exter-  
 nis



nis de causis suboriri potest affectus, aut Crisis specie ex fe-  
brium sine initium capere; Imo in febribus quoq; sympto-  
maticè accedere.

4. Felle vesicula nudâ quandoq; laborat *dyscrasia* sive  
Imbecillitate, *dyscrasia* ut communiter practici vocant, (poti-  
us Intemperie frigidâ ut ex *Galen. 2. M. M. 4. deducit Hoffman.*  
*in Instit. p. 3. c. 28.* eò quod *αἰσθητικὴ* vox nihil indicet,) quâ,  
attractrice ejus laesa permistum sanguini manet biliosum re-  
crementum, sicq; cum illo per arterias ad capillaria usq; va-  
sa amandatur: Addunt Autores, repleti quoq; nimium eam  
posse, adeo ut distentis fibris, contrahendi se, ac excernendi  
facultas quodam modo ei adimatur, idq; trito vesicæ urina-  
riæ cōfirmant exemplo: Sed vero causas has, solæ si sint, pos-  
se sufficere vix fidem meretur. Frequentius autem vesica  
biliaria morbum patitur in meatibus, sive ijs qui adducunt,  
sive, quorum muneris est abducere.

5. Nativam his partibus aliquando esse angustiam, ne-  
scio an unquam sit animadversum, uti nec coaluisse quidem  
constat: Obstructas autem ut plurimum, sive à talium infar-  
ctu, quæ ordinariâ naturæ lege in corpore generantur, sive ab  
illorum præsentia quæ toto genere sunt præter naturam.

6. Prioris ordinis est bilis illa, quæ ad exitum destina-  
ta, ubi quacunq; de causâ moram trahit, ob sui viscerumq;  
calorem, in lentorem affatur, aut admixtis particulis alijs  
crassioribus ad fluxum inepta redditur. Pituita similiter,  
nec non humores alij, spissitudinem adepti meatibus hisce  
impingi possunt.

7. Ex posteriorum censu calculi sunt, quos in follicu-  
lo fellis mirâ varietateigni non infrequens est, docentibus  
id præter quotidianam experientiam, Doctorum passim  
observationibus, quarum selectiores videre est apud *Schenck:*  
*l. 3. sub Tit. de Ictero.* ap. eundem exemplum est lapidis du-  
ctum



ctum Cholidochum obstruentis: Vermes quoq; hosce meatus obstruere posse testis est *VVierus. l. 4. c. 16.*

8. Deinde comprimuntur sæpius vesiculæ biliaræ meatus, à vicinorū viscerum in dextro hypochondrio, duodeni præsertim intestini, ipsiusq; Hepatis inflammationibus, ut & Hepatis scirroso tumore, aut scirro, ita ut nec influat in vesiculam fel, nec ex ipsa in intestina egeratur.

9. Non tamen omnis Icterus ab obstructis compressivè vesiculæ meatibus originem ducit, possibile enim est, ut iisdem quoq; de causis fellis ductus Hepaticus, ad separandam excernendamq; bilem ineptus reddatur. Sic visus est in hoc meatu calculus: *ex Fallop. & Coitero. Schenck. p. 461.*

10. Ex Hepatis morbis, quos Icterus sequi potest, intemperies est calida ac sicca: Quotquot enim calidiore sunt Hepate eos omnes multum flavæ bilis colligere constat: In obstructo deinde Hepate (quia separari inutile ab utili commode non potest) causam aliquando consistere posse à veritate alienum non est. Inflammatio quoq; ut & Erysipelas cum bilis proventum augent, tum demeacula ipsius angustiora reddunt; de Scirro mox dictum.

11. Lien pariter si hos patiatur morbos, Intemperiem, inflammationem, Scirrum, Obstructionem, suum perdit officium, nec Melancholiam à massâ sanguineâ separat, quâ cutim universi corporis una cum sanguine subeunte, color ipsi conciliatur ex luteo nigricans, *μελαντερος (Galen. 5. loc. aff. 7.)* Interdum niger & velut æthiopis: Observatus etiam ex totali ejus absentia niger. (ap. *Zacut Lusit. l. 3 prax. admir. obs. 137.*)

12. Nec vero propterea negamus bilem in vesiculâ fellis istam subire posse corruptionem, ut nigrescentem acquirat colorem cutimq; nigredine perfundat.



13. Sed satis sit de Internis ac propinquiorebus causis, ubi hanc unam addidero; à fervido solidorum temperamento, quod ab intemperie calidâ cordis dependet, augeri quoq; posse bilis proventum.

14. Externæ causæ quæ quovis modo fellis generationem augere aut depravare ejus motum possunt, vel necessariae sunt vel contingentes. Illæ sic dictæ quod earum uti carere nemo possit, sunt ex rebus non naturalibus, quotquot vel nimium calorem in corpus introducunt, vel generandæ bili facilem præbent materiam, quorum omnium hic catalogum texere parum opus. Contingentium autem quas alioquin prudentiâ nostrâ declinare possemus, locum hic habet venenû, sive per os sùptû, sive ab aliquo *ισχυλῶ* animali communicatum; quod deleteriâ suâ vi, sanguinem in biliosum corrumpit Ichorem, idq; ut breviter comprehendamus quicquid hic disputari solet, per *σύντην* sive colliquationem. *Videatur Conring. d. sang. gen. & Mot.*

15. Critici in febribus Icteri ut & symptomatici eadem est causa proxima, bilis in habitum corporis effusio; antecedens, putrescentis ejus in corpore abundantia. (Nam in febribus ardentibus & malignis, non in Jecore saltem, sed passim etiam alibi in venis, bilem, bili quæ in Jecore confit, non absimilem, aliquando reperiri constat) hæc saltem differentia, quod in isto natura lubens vitiosum humorem satis subactum ad ambitum corporis cum levamine ægri protrudat, in hoc irritata crudum eundem ante destinatum, coctioni tempus non sine infirmi periculo.

Differen-  
tia.

16. Varietas igitur causarum, uti vidimus, multas Icteri parit differentias, quæ (demto illo qui à causâ externâ seu à Fortunâ est) reducuntur commodè ad tres. Icterû nimirû qui fit culpâ felis vesiculæ; eû, qui fit culpâ viscerum, sanguinis elabo-



elaborationi infervientium, & deniq; criticum, tam illum  
qui perfectè judicat, quam qui non judicat, aut malè.

17. Quæ autem ratione Icterus quivis cognoscendus sit, aut discernendus, commodum nunc est aperire, propositis uniuscujusq; signis, quorum in hoc affectu color morbidus est perceptio, vel enim primo aspectu color morbidus prodit (modò cautio sit ne decipiat nos *ἡ κεραιὴ χροὴ* Hippocratis *lib. περὶ γυν. φνσ.* in profluvio mulierum albo, item in Cachexiæ specie quæ citrina dicitur.) isq; in albo; oculi ob summam adnatæ tunicæ albedinem, pariter ac in raninis venis, eo quod valdè promineant, faciliè observabilis, (quanquam ap- Hippocrat. sit quoq; *ἡ κεραιὴ οὐραλὴ* in Pleuritide.) Pruritus etiam ob bilis acrimoniam ac mor- dacitatem sæpè ægris molestus est.

18. Et hactenus communia quidem stant signa. Proxima certitudine sunt quæ ab excrementis petuntur. In felleo, præterquam quod subito ingruit, dejectiones albicant, similiter si hepar simul aut lien, obstructionem aut Scirrum patiantur, præcluditur enim tum harum partium excrementis ad Intestina prolapsus: Urina autem ultra solitum tincta est, quod bilis tum plurimum ad vesicam cum ferro alegetur. Et in universum urina passæa morbi regij est certissimum signum, uti habet ex Aëtuar. *Zacut. Lusit. l. 2. de Med. Princip. Hist. 114.* Sudor, humoris peccantis æmulus est, nisi hic sit crassus nimis cutiq; impactus, tum enim aquosus fere prodit sudor.

19. Calculorum non adeò manifestæ sunt notæ, nec  
peculiarissima symptomata, nisi quandoq; punctorîg aut disten-  
dens aut gravativus in dextro hypochondrio dolor, qui ta-  
men Inflammationi Obstructioni Scirro, utriusq; visceris  
(nam in sinistro quoq; nonnunquam advertere cum est)  
æquæ est familiaris.

20. Si



20. Si excrementa à naturalibus nihil aut parum differant, indicio est, non pati morbum organicum viscera sanguificationis, sed justo saltem esse calidiora: Quo colorata magis isthac prodeunt, eo majorem arguunt intemperiem: Si biliosa aut atra excernantur cum febre, inflammationem alicujus visceris denotant: de quo ut certi reddamur in subsidium vocabimus communia intemperierum signa.

21. In Critico febrium Ictero, salubri quidem, plane ad naturæ se habent modum excrementa, post signa coctionis, febrisq; remissionem: Qui vero, non ad salutem supervenit, destinatum ad *παραμυρ*, anticipat tempus.

22. Qui à veneno est Icterus hoc peculiare habet, quod sæpe numero, maculae in universo corpore efflorescant, luteæ, nigrae, caeruleæ, diversicolores; Lypothymia ac subitaneæ virium dejectiones infestent; Ulcera (præsertim à morfu venenatorum) depascentia, pustulae adustis similes, alia. Cæterum alvi *πυρρὰ καὶ μαλακά* sanorum sunt similia, nisi si quando contingat venenatum illum Ichorem ad Intestina ferri.

Prognostica,

23. Prælatorum, sicuti causarum ac differentiarum, ingens est varietas: In universum, quo pertinaciores ac peiores sunt causæ, eo malum quoq; diuturnius est ac curatu difficilius; Sic qui à Calculo est morbus regius pene incurabilis est, nisi eundem naturæ robur aut medicamenti vis ad Intestina elidat. Nihilo fere melior qui à scirro visceris alicujus provenit, quia hydrops inde metuendus. Obstructiones quoq; pertinaces quia in scirrum facile degenerant, expugnatu tardæ: Imo niger ob humoris morbifici contumaciam non ita promptè subigitur. Facilius non nihil cedit, utut periculo non vacet, qui ab inflammatione alicujus visceris pendet: similiter qui ab humore aliquo crasso meatibus impacto. Symptomaticus in febribus monitu Hippocrat. 4. Aph. 62, malus. Qui à veneno est cito quidem

præ



pro veneni ratione ac naturâ finem sortitur, sed rarius ad salutem. Qui à nudâ viscerum Intemperie ortum ducit, nec cum evidenti periculo, nec per longum tempus affligit. Omnium securissimus est verè Criticus, quia morbum solvit, neq; (cum viscera sint sana,) habet, unde foveri possit.

24. Solvitur autem communiter aurugo pene omnis impacti in cutem humoris paulatinâ discussione (ubi remota prius fuerit ejus causa) sive natura sibi confila eam in se suscipiat, sive in subsidium vocetur artis varietas. Quandoq; autem si à leviori obstructione alicujus visceris, bilisve aut Melancholiæ redundantia ortus fuerit Icterus, exhibitis Cholagogis aut Melanogogis causa ejus facillimè tollitur.

25. Cæterum cum sublata quæ Icterus producit causa, ipse non difficulter cesset, in hæc duo, omni machinâ erit incumbendum; Alterum est, ut quæ præter naturalem bilis in corpore aut Melancholiæ copiam generant, aut coæcervant causæ, auferantur: Alterum, uti his, si præter naturam subsistant, educationi eorum destinati pateant elices. Atq; hæ indicationes tam sunt universales, ut cuicumq; Icteri differentia aliqua earum applicari possit. Qui perfecte criticus est nullâ eget indicatione; Qui à causâ externa est seu à veneno, conjuncta alijs sibi deposcit alexipharmaca.

Indicationes.

26. Igitur primum quod attinet, sicuti immodicus aut intempestivus rerum sex non-naturalium usus, si hic ad caliditatem aut siccitatem inclinet, autor est abundantis in corpore causæ morbificæ, ita moderatus atq; opportunus eorundem usus, & sanitatem conservat, & lapsus ejus corrigit: Quare, aer ad frigidiusculum accedere debet; Quod si id nec regio patiat nec anni tempus, cœlive status curandum ut arte talis fiat; Vitetur nubilus, crassus, infectus &c. Cibibus postea, non sit calidus nimium, aut siccus, durus, salitus



infumatus, pinguis, dulcis: Vini potus ut & meracior omnis cæteris paribus fugiendus; Vigiliæ, eo quod sanguinem attenuent ac incendant, noxiæ: Motus iridem nimius; Excrementa corporis retenta, fuligines præprimis, calorem igneum accendunt; Quo pertinent medicamenta Cholagoga non exclusâ à corpore, ni enim solvant talia, humorem purgandum alunt *ex Cælij Aureliani* sententiâ. Ira motum sanguini ac velut ebullitio nem conciliat, abstinendum igitur ab eâ. Tristitia, metus, melancholiam augere dicuntur, quare non minuserunt nociva. Cætera omnia sunt moderata.

27. Quicumq; ex hoc præscripto vivunt, ut ut in sanitatis latitudine viscera ipsis sint paulò calidiora, tamen non valdè multum bilis aut Melancholiæ cumulabunt. Quibus autē in intemperiem, aut nudam, aut cum materiâ prolapsa sunt viscera, hoc nihilo secius debent uti regimine, nisi quod pro ratione subjectorū, consuetudinis, *ἰδιου γένους*, aliter atq; aliter contra calorem aut siccitatem pugnandum sit. Neq; diætā variabit symptomaticus febrium Icterus, (si cætera bene se habeant) Quibus obstructio mali metum injicit, attenuantem & aperientem diætā servabunt.

28. Nec postremo hic loco stabit Pharmacia. Quod si enim viscerum intemperies huic malo præbeat causam, obviam ei refrigerantibus eundum aut humectantibus, tam adsumptis quam exterius admotis: qualia tanquam communiter nota adducere super vacaneum existimo. Inflammatio, præter ista, repellentia ac discutientia sibi deposcit, sub hac cautelâ ut tonus (quem vocant) viscerum, roborantibus conservetur. In scirro emollientia præmittenda, dein resolventia ac discutientia. Obstructio aperientibus & abstergentibus expedienda.



29. Non inutile quoq; erit Chirurgiæ ministerium, potissimum in præter naturali caliditate & inflammatione viscerum, cui commodum præstabit non vulgare, venæ sectio, quæ tamen extra hunc casum, habito solius symptomatis respectu locum non reperiet.

30. Alterum quod spectat, nimirum uti restagnantem in corpore bilem aut Melancholiam convenienter educamus, necessarium omnino erit similiter refrigerantem, deobstruentem & abstergentem vivendi rationem instituere. Sed potissima vis Pharmacorum erit; quod si enim humoris morbifici excretionem aliqua meatus obstructio denegat, referendus ille Cholologis maximum si bilis sit impacta, additis phlegmagogis, si cum pituitâ tenaci consortium habeat; aut melanogogis si lien melancholicum humorem egerere nequeat: Quorum omnium pro causarum ratione optima sunt, serum caprillum commendante, id Mesue. Rhabarbarum, Aloe, Tamarindi, Gialappa, fumaria, senna, Polypodium, quæq; ex ijs aut prostant aut parari possunt.

31. Non inconsultum erit si valde crassus sit humor, admiscere aperientia ex Radicibus Chelidon. Rubiæ Tinctor. Corticib. Tamarisci, Rad: Cappar. Herb. Centaur: Min. absinth. agrimonia: Pro vitriolat. Ocul. Cancr. Spirit: Pro. Multum laudantur in omnibus obstructionibus, præmissis præmittendis & subsequente exercitio, Chalybeata, qualia, Acidum Pro Chalybeatum Salæ (ap. Schrad in Pharmac. l. 4. p. 212.) Magisterium Pro. Electuar de limat. Chalyb: (ap. Schenckii, quæ de Ictero) Vinum Chalybeatum cibi in aqua Chalybeata cocti. Si à calculo sit obstructio addenda quæ vim habent eum dissolvendi, qualia pleraq; ex Pro. Ocul. 96. Spir. Θ &c.

32. Vomitus quoq; ciere proderit si (quod non raro evenit Ictericis aut qui obstructo sunt hepate) fellis aliqua pars



pars in ventriculo stabuletur; Unde ciborum aliquibus  
nausea, oris amarities crebræ vomitiones. Pâr iter si à re-  
cens assumpto veneno subortus sit.


33. Per urinam vero etiam non minima pars humoris  
morbifici & resoluta in obstructionibus materiæ ablegatur;  
quare facile viderit Medicus prudens, ubi & quando Diure-  
ticis sit opus, proderunt moderata, ex semin. 4. frig. maj.  
Graminis, Dauci, rad Fœnic apij. Asparag Cicer. rub. Supe-  
rato morbo causaq; morbificâ, sponte suâ evanescit sympto-  
ma, nisi humor sit crassus nimium, cutis vedensa, tum enim  
ejus discussione ars opitulabitur, parato ex decoctis attenu-  
antium & discutientium (v. g. Lapath. prass. Lupin. Fol.  
Raphan. &c.) balneo, aut prolecto frequentius sudore,  
Diaphoreticis, sale Carduib. Absinth. Tamarisci. In vene-  
nato sudorifera cum Alexipharmacis optima erunt; Theri-  
aca, Diascord &c. Ac sicuti cucurbitulæ scarificatæ in be-  
nigno Ictero partem biliosæ colluviei, ita eadem vulnere (ex  
morsu feræ) applicatæ, partem veneni educere possunt: in  
quo vulnus non insuper habendum, sed abluendum sæpe  
Theriaca cum vino calido, ac diu apertum servandum: ac si  
præterea quædam ingruant symptomata ijs debite prospici-  
endum.

Tantum.


μὴν τὴν θω δόξα!













IX. 18



863 545 Bibliotheca 26.000,<sup>5</sup>  
P.P. Camaldulensium in Bielany

Depozyt w Bibliotece Jagiellońskiej



06947



